

23 ИЮЛЯ: Преподобнаго отца нашего Антония Печёрскаго, иже в Кіеве, бывшаго начальника всех російских монахов.

Вечером 22 июля

Изменяемое №1

На Господи воззвах:

Стѹх: Изведи из темницы душу мою, исповѣдатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Стѹх: Да будут уши Твои внемлюще гласу моления моего.

Стѹх: Аще беззакония азриши, Господи, Господи, кто постоит; яко у Тебе очищение есть.

Глас 4. Егда Божественное рачение найде на тя, преподобне,/ тогда мирское пристрастие, яко худо, вменил еси,/ темже и пресельник от твоего отечества/ Святыя горы был еси/ и тамо, посреде оных отец,/ яко светило, возсиял еси добродетелию, Антоние./ Христа, Емуже от юности послужил еси,/ моли спасти и просветити души наша.

Стѹх: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Егда Христовою любовью распалился еси, преподобне,/ тогда мира сего мудрование и славу,/ яко преходящую, возненавидел еси./ Темже и пещеру себе соделал еси/ и в ней подвижался, яко безплотен,/ темже и свѣше безплотных почести сподобился еси,/ с нимиже Христу предстоя,/ моли спасти и просветити души наша.

Стѹх: От стражи утренния до нощи, от стражи утренния, да уповает Израиль на Господа.

Егда Божественную любовь приял еси в сердцах, отче,/ тогда в темную пещеру,/ яко в пресветлый чертог, вошел еси,/ и тамо неизреченных разума обогатился,/ зрети будущая, яко настоящая,/ и всем ясно глаголати:/ Христа, Емуже от юности поработился еси,/ Того моли, преподобне,/ спасти и просветити души наша.

Стѹх: Яко у Господа милость, и многое у Него избавление, и Той избавит Израиль от всех беззаконий его.

Глас 5. Преподобне отче Антоние,/ благодатию Пресвятаго Духа ум твой озарив,/ тем, яко прозорлив, пророчески прорекл еси/ хотящ гнев Божий приити на православие./ Отнюдуже и Симону спасение от ратных обручил еси/ и прежде церковнаго зданія/ тому в ней положену быти предрекл еси./ Тем яко ходатая ты вину/ всем благим воспеваем,/ просяще тобою от Христа прияти велию милость.

Стѹх: *Хвалите Господа вси языцы, похвалите Его вси людие.*

Преподобне отче Антоние,/ ты, истиннаго Пастыря и Учителя Христа заповеди исполняя,/ любовное и по преставлении твоём показав,/ Ерэзма о раскаянии имения,/ леностно пожившаго,/ молитвами твоими и явлением/ смертнаго недуга пременил еси/ и, время покаяния тому даровав,/ иных к целомудрию наставил еси,/ темже Христа моли спастися душам нашим.

Стѹх: *Яко утвердися милость Его на нас, и истина Господня пребывает во век.*

Преподобне отче Антоние,/ ты с Богом целомудренно корабль ума твоего направил еси/ и страстную пучину моря мира сего немятежно преплыл еси,/ Духа Пресвятаго ветрилом направляемь,/ в тихое пристанище породы достигл еси,/ идеже святых жилище и покой праведных./ С нимиже молися/ и нам тамо вход получитьи, молимся.

Слава, глас 6: Жестокое твоё житиё/ и труды, яже по Бозе,/ яко познано бысть отцами Святыя Горы,/ тогда Божественным промыслением/ паки ко отечеству твоёму посылаемь бываеши:/ иди, чадо, глаголя,/ яко да и тамо тобою неведущими Бог познается./ Отнюдуже пришед, преподобне,/ отечество твоё просветил еси/ и чиноначальник монахов был еси,/ тех множества ко Христу привед./ Темже и нас, пресветлое твоё успение празднующих,/ моли сохранити от враг нератованных/ и спастися душам нашим.

И ныне, Богородичен: Кто Тебе не ублажит, Пресвятая Дево;/ кто ли не воспоет Твоего Пречистаго Рождества;/ безлетно бо от Отца возсиявый Сын Единородный,/ Тойже от Тебе, Чистыя, пройде,/ неизреченно воплощься,/ естеством Бог Сый,/ и естеством быв Человек нас ради;/ не во двою лицу разделяемый,/ но во двою естеству/ неслитно познаваемый./ Того моли, Чистая Всеблаженная,/ помиловатися душам нашим.

Прокімен после «Свѣте тѣхий»: См. Прокимен дня <далее см. основной Чин>

Лития глас 1:

Тезоименитаго ради твоего жития/ Божественным промыслом, Антоние, наречен был еси,/ именованіе от дел восприем:/ ученик бо множества собрав, твоим учением последующих,/ сих Богу привел еси./ Но яко преподобным сожителю и праведным,/ с нимиже Троице предстояй, моли о всех,/ преславное твое успение песньми славящих.

Яко страстного мрака мира сего избежав,/ Антоние преподобне,/ тогда в пещеру вселился еси, пречудне,/ и тамо приникл еси во глубину Божественнаго разума./ Темже и сподобился еси,/ яко прозорлив, дальняя проразумевати/ и, яко близ сущая, ясно глаголати,/ и о согрешениях людских поболев,/ и хотящая быти за грехи человеческия/ варварское нашествие пророчески предрекл еси./ Но молися, отче, молимся,/ избавитися нам такового прещения/ и спастися душам нашим.

Глас 2: Кий разум человеческий/ или язык возможет изрещи/ или похвалити по достоинству житие твое?/ И сами бо Ангели житию твоему,/ еже на земли в телеси, удивившася/ и похвалиша Христа,/ толикую победу, преподобне, тебе на страсти даровавшего,/ Егоже моли, прехвальне,/ спастися похваление, елико мощно, тебе плетущу,/ Антоние пречудне.

Блаженна пещера,/ имущая в себе честныя мощи твоя, преподобне,/ от нихже истекают верным исцеления;/ блаженни же ученицы твои,/ такового учителя тебе стяжавшии/ и такую отца чада нарекшиися,/ Антоние пречудне,/ молитвенниче о душах наших.

Глас 4: Ныне всечестное и священное тело твое,/ преподобне Антоние,/ в пещере лежащее,/ в нейже еже в жизни сей много потрудися,/ исцеления обильно источает верою приходящим./ Темже молим тя:/ и душевное здравие молитвами твоими/ присно подавай тебе ублажающим.

Сла́ва, и ны́не, глас 8: Вели́ко дерзнове́ние и ве́ра,/ ю́же к Бо́гу, стяжа́л еси́, преподо́бне Анто́ние:/ проро́ку бо Гедео́ну подо́бся,/ рунóм искуша́ющу побéду,/ та́кожде и ты, óтче,/ росóю хотéл еси́ увéдети,/ где ме́сто уго́дно естѣ Влади́чице и Цари́це./ Тёмже и рекл еси́:/ а́ще обрето́х благода́ть пред Тобо́ю,/ да бу́дет по всей земли́ роса́,/ на ме́сте, на нёмже изво́лиши хра́му бы́ти, су́ша да бу́дет./ И па́ки, да бу́дет на ме́сте роса́./ И сия́ обо́я, óтче, получи́л еси́,/ тёмже и прече́стен храм Ма́тери Бо́жии воздви́гл еси́,/ с Не́юже моли́ся Христу́, мо́лим,/ спасти́ся душа́м на́шим.

<далее см. основной Чин>

Изменяемое №5

По полиелéи седа́лен глас 8:

В подзе́мныя пеще́ры вшел еси́, преподо́бне,/ и оттúду я́ко победíteль страсте́й, на колесни́цу добродéтелей возше́д,/ я́коже други́й Или́я, к Небесéм возлетéв,/ та́мо пра́ведно пресвётлым венце́м венча́лся еси́, блаже́нне./ Но я́ко егда́ с на́ми был еси́ в жи́зни сей,/ печáся и промы́шляя нам полéзная,/ та́ко и ны́не, óтче Анто́ние, моли́ Христа́ Бо́га/ грехóв оставлéние дарова́ти/ чтúщим любóвию святу́ю па́мять твою́.

Изменяемое №6

Степе́нна, 1-й антифо́н 4-го гласа.

Прокíмен глас 4: Честна́ пред Го́сподем/ смерть преподо́бных Егó.

Стих: Чтó возда́м Го́сподеви о всех, я́же воздаде́ ми?

<далее см. основной Чин>

Изменяемое №7

По 50-м псалме́ стихи́ра глас 6:

Жесто́кое твоё житиé/ и труды́, я́же по Бо́зе,/ я́ко познáно бысть отца́ми Святы́я Горы́,/ тогда́ Божéственным промы́слéнием/ па́ки ко отéчеству твоему́ посыла́емь бывáеши:/ иди́, ча́до, глаго́ля,/ я́ко да и та́мо тобо́ю неведущими Бог позна́ется./ Отону́дуже прише́д, преподо́бне,/ отéчество твоё просвети́л еси́/ и чинонача́льник мона́хов был еси́,/ тех мно́жества ко Христу́ привéд./ Тёмже и нас, пресвётлое твоё успе́ние пра́зднующих,/ моли́ сохра́нити от враг нера́тованных/ и спасти́ся душа́м на́шим.

<далее см. основной Чин>

Изменяемое №8

Канон преподобнаго *глас 4.*

Песнь 1

Ирмос: Отвѣрзу уста моя,/ и напълнятся Духа,/ и слово отрыгну Царице Матери,/ и явлюся, светло торжествуя,/ и воспою, радуясь, Той чудеса.

Зѣльным воздержаніем, и труды, отче Антоніе, и всенощным стояніем/ душу твою царя над страстьми телесными поставил еси./ Тѣмже, со святыми веселящися, Христа поем,/ тебѣ такову победу на страсти даровавшего.

Приспѣ днесь всечестный день успѣния твоего, отче Антоніе,/ богато веселя чада твоя, всечестне./ Тѣмже, поминающе твоѣ древнее житіе и ангельскую жизнь,/ светло празднующе, тебѣ воспѣваем, отче.

От тѣмных мест восхитився,/ к превышним свѣтлостем преслѣвно прешѣл еси, преподобне,/ и тамо со святыми, яко победитель страстей, отче, венчался еси.

Богородичен: Люте погружаемую душу мою в пучине страстей бурею безмѣрных обстояний,/ спасѣния простѣрши ми руку, возведи, Владычице, из глубины зол моих.

Другій канон преподобнаго *глас 2.*

Песнь 1

Ирмос: Во глубинѣ постла иногда/ фараонѣтское всевоинство преоруженная сила,/ воплощенное же Слово всезлѣбный грех потребило есть:/ препрослѣвленный Господь славно бо прослѣвился.

Еще от малыя версты, преподобне Антоніе, велику любовь стяжал еси к Богу,/ и сего ради плотская взыграна и страсти до конца умертвил еси,/ и чистотою, якоже крилы, вперився преслѣвно,/ к Небесѣм возлетѣл еси, отче.

Владычнему любостранству, преподобне, подобяся,/ сам странствовать изволил еси, Антоніе,/ тѣмже Всевидящее Око, видя твоѣ благоѣ произволеніе,/ даром чудес обогати тя, яко преслѣвна.

Душевную тихость и любовь, яже к Богу,/ нравы и обычаи благими украшена ты видеви,/ твой духовный настоятель, преподобне,/ пророчески всем проповѣдует хотящая напоследок тобою быти преслѣвная, Антоніе.

Богорóдичен: Моїх прегрешéний, Влады́чице, плені́цы растóргни,/ Твоего́ Сы́на и Бо́га моля́щи, и томя́щий мя грех, Присноде́во, низложи́,/ я́ко да воспева́ю Тя, всегда́, Пренепоро́чная, Тобо́ю спаса́емь.

Песнь 3

Ирмо́с: Твоя́ песносло́вцы, Богорóдице,/ Живы́й и Незави́стпый Исто́чнице,/ лик себе́ совоку́пльшия, духо́вно утверди́,/ в Божéственней Твое́й сла́ве/ венце́в сла́вы сподо́би.

Пропове́дует пресла́вно и па́че трубы́ вопи́ет/ священна́я твоя́, о́тче, вели́кая Ла́вра, я́же тобо́ю нача́ло прие́мшая,/ дом же Бо́жия Ма́тере, а́ще и не гла́сом, веще́м же хва́лится. глаго́ля:/ утверди́хся Тобо́ю, Го́споди.

Еди́наго Го́спода возлюби́л еси́/ и, Сего́ Крест на ра́мо взем, преподо́бне Анто́ние,/ странноле́пно пожи́л еси́, в постéх, и бде́ниях, и моли́твах о́браз быв твои́м учени́ком./ Те́мже и от Христа́ просла́вился еси́.

Плотска́го желáния, преподо́бне, отве́ргся, го́рдость возненави́дел еси́,/ смире́нием же и нището́ю обогати́вся,/ превысо́кая дости́гл еси́ святы́х жили́ща.

Богорóдичен: Поми́луй, еди́на Богома́ти, поми́луй и ущéдри ду́шу мою́ ока́йнную,/ потопля́емую бе́сы и страстьми́ лука́выми,/ и прэ́жде вре́мене исхо́да моего́ си́ю очи́стити умилисо́рдися.

Ин

Ирмо́с: На ка́мени мя ве́ры утверди́в,/ расшири́л еси́ уста́ мои́ на враги́ моя́,/ возвесели́ бо ся дух мой, внегда́ пéти:/ несть свят, я́коже Бог наш,/ и несть пра́веден, па́че Тебе́, Го́споди.

Прозре́в бу́дущая воздая́ния, zde маловре́менная, я́ко не су́щая, о́тче, оста́вил еси́/ и сего́ ра́ди сугу́бая воздая́ния прия́л еси́, преподо́бне./ Те́мже со А́нгелы непреста́нно поéши Влады́ку твоего́.

Моли́тися, о́тче, не преста́й о ста́де твоéм,/ éже мно́гими по́ты и труды́ стяжа́л еси́,/ изба́вити всех обстоя́ний, бед же и скорбе́й,/ да вси тебе́, я́ко чадолюбíва отца́, воспева́ем.

Веселием, преподобне, с чинми святых Богу предстоиши,/ яже тамо веселия и радости насыщаяся,/ сподоби и нас тамошня радования получитьи,/ да, веселящися, тебе величаем, отче Антоние.

Богородичен: Простерши руку благоутробия, Богородительнице,/ всякого мя изми осуждения, к Тебе прибегающего, и Тебе припадающего,/ и призывающего Твою помощь.

Ин кондак, глас 8: Вмире яко Ангел, отче, пожил еси,/ в земли пещеру себе соделав,/ в нейже добре подвизався противу невидимаго врага козней,/ и оттуда, веселяся, прешел еси к Небесным чертогом./ Поминай нас, чтущих память твою, да зовем ти:/ радуйся, Антоние, отче наш.

Седален, глас 4: Удивися твой духовный настоятель, в тебе велико воздержание зря,/ и внимаше мыслию хотящая о тебе напоследок быти, Антоние,/ виде бо по Бозе твое великое житие и вражими прилоги никакоже поколебима./ Темже и свидетельствует, яко отец и хранитель твоего жития,/ отцем Святыя Горы вопияше:/ сей, иже посреде нас видится меньший/ но последи в России великий светильник будет.

Слава, и ныне, Богородичен: Удивися Иосиф, еже паче естества зря,/ и внимаше мыслию, иже на руну дождь,/ в безсеменном зачатии Твоем, Богородице,/ купину, огнем неопалимую, жезл Ааронов прозавший/ и, свидетельствуя, обручник Твой и хранитель священником зываше:/ Дева раждает, и по рождестве паки Дева пребывает.

Песнь 4

Ирмос: Неизследный Божий Совет/ еже от Девы воплощения/ Тебе, Вышняго,/ пророк Аввакум усмотряя, зовяше:/ слава силе Твоей, Господи.

Место, в немже лежит честное и священное тело твое, преподобне Антоние отче,/ многа исцеления оттуда приемлют вернии, Христу от души вопиюще:/ слава силе Твоей, Господи.

Не устраси́ тебе, преподо́бне, долготá жесто́каго пути́,/ ниже́ та́мо разбо́йническое наше́ствие./ Те́мже Святу́ю Го́ру доше́д, с су́щими та́мо отцы́ воспева́л еси́:/ сла́ва си́ле Твое́й, Го́споди.

Ви́дев Всеблагий Бог твёрдое твоё и до́брое изволе́ние,/ та́мо во святы́х ме́стех посреде́ оте́ц, сла́вна ты сотворя́ет,/ с ни́миже сподо́би вызы́ати:/ сла́ва си́ле Твое́й, Го́споди.

Богоро́дичен: Ко́рень из чресл Тя ца́рских, всех Царь, я́ко су́щу, вожде́лев/ и вы́шшу Херуви́м и Серафи́м соде́лав,/ Богоро́дице, всели́ся в Тя.

Ин

Ирмо́с: Пою́ Тя, слухом бо, Го́споди, услы́шах и ужасо́хся:/ до мене́ бо и́деши, мене́ ищá, заблуждша́го./ Тем мно́гое Твое́ снизхожде́ние, е́же на мя,/ прославля́ю, Многоми́лостиве.

Про́мыслом Бо́жиим па́ки ко оте́честву твоemú, блаже́нне, посыла́емь быва́еши,/ я́ко да и та́мо мно́гих ко спаси́тельному пути́ наста́виши, Творцу́ воспева́ти:/ сла́ва си́ле Твое́й, Го́споди.

Упова́нием бу́дущих благ, Анто́ние, укрепля́емь,/ плотско́е стремле́ние обузда́л еси́/ и твоёй плóти враг немíлостив, óтче, был еси́,/ сего́ ра́ди и по́мощь свы́ше стяжа́л еси́.

В целому́дрии жизнь твою́ препрово́див, преподо́бне,/ земна́я Небе́сными измени́л еси́ и нетле́нная тле́нными искупíл еси́./ Те́мже Христу́ поёши:/ сла́ва си́ле Твое́й, Го́споди.

Богоро́дичен: До́брых всех обнажи́хся и лежу́ в зло́бе:/ оболки́й всех, дре́вле па́дших, и ны́не мя пре́ждними украси́,/ и вторы́х изба́ви, Богоневéсто.

Песнь 5

Ирмо́с: Ужасо́шася вся́ческая/ о Божéственной сла́ве Твое́й:/ Ты бо, Неискусобра́чная Де́во,/ имéла еси́ во утробе́ над все́ми Бо́га/ и родила́ еси́ Безле́тиаго Сы́на,/ всем воспева́ющим Тя/ мир подава́ющая.

Мона́шествующих о́браз, óтче, и наказáтель был еси́,/ те́мже и си́льным запреща́еши на восхище́ние не желáти, но па́че маломóщныя ми́ловати./ И от сего́ просла́вился еси́, Анто́ние,/ и вели́к нарече́н учи́тель яви́лся еси́.

ВЫ́ше челове́ка, Анто́ние, стяжа́л еси́ жити́е, равноа́нгельно пожи́в на земли́,/ те́мже ра́вну я́же А́нгелом по́честь сподо́бился еси́ получи́ти/ и поёши с ни́ми Влады́ку твоего́.

Богодарова́нныя твоя́ благода́ти, о́тче Анто́ние,/ всяк слух челове́ческий удиви́ша и научи́ша,/ я́же zde мня́щаяся вели́кая, я́ко ма́ла и ху́да, презре́ти вся и посло́довати стопа́м твои́м,/ отону́дуже моли́, преподо́бне, спасти́ся нам.

Богоро́дичен: Упова́ние еси́ моё, Пречи́стая, и спасе́ние, и похвала́./ Те́мже прибега́ю к покрову́ Твоему́:/ не гнуша́йся мене́, грехи́ мно́гими, и боле́знями, и скорбьми́ ны́не поглоще́ннаго,/ но, предвари́вши, спаси́ мя.

Ин

Ирмо́с: Хо́датай Бо́гу и челове́ком был еси́, Христэ́ Бо́же:/ Тобо́ю бо, Влады́ко, к Светонача́льнику, О́тцу́ Твоему́,/ от но́щи неведе́ния/ приведе́ние има́мы.

Стра́нно твоё жити́е, преподо́бне;/ кúпно же и смире́ние, е́же стяжа́л еси́, Анто́ние,/ я́ко ни сама́го све́та того́, я́же в ми́ре,/ ниже́ со́лнечнаго сия́ния, досто́йна тебе́ того́ вмени́л еси́ зре́ния,/ но в те́мне ме́сте еди́н тебе́ затвори́л еси́.

Це́рковь и дом Пресвята́го Ду́ха, о́тче Анто́ние, был еси́,/ разли́чными добродете́лями укра́шен быв,/ смире́нием Го́рнюю высоту́ насле́див,/ нището́ю Небе́сное бога́тство при́ял еси́, преподо́бне.

Па́мять твою́ творя́щих свяще́нную от вся́ких спаси́ прегреше́ний, и печа́лей, и напа́стей,/ твоё Божество́нное да́руй заступле́ние,/ всех Царю́ предстояй, о́тче Анто́ние.

Богоро́дичен: Я́ко невече́рний Свет, от чре́ва Твоего́ су́щий возсия́вший,/ о́темнённую ду́шу мою́ озари́, Влады́чице Чи́стая,/ и отжени́ вся́ку мглу́ се́рдца моего́.

Песнь 6

Ирмо́с: Божество́нное снэ́ и всечестно́е/ соверша́юще пра́зднество,/ Богому́дрии, Богома́тере,/ прииди́те, рука́ми воспле́щим,/ от Нея́ ро́ждшагося Бо́га сла́вим.

Всегда́шним к Бо́гу раче́нием вне плóти и ми́ра, óтче Анто́ние, был еси́./ Тёмже и жили́ще досто́йно Ду́ха Пресвята́го показáлся еси́,/ я́коже и Сам Христóс рече́:/ прише́д со Отце́м и Ду́хом, та́мо явлю́ся.

Я́ко пресла́дкий не́кий виногра́д, Свята́я Горá тебе́, óтче, израсти́вши,/ пресла́вно тобо́ю красу́ется и, ра́дующися, Христа́ прославля́ет,/ тебе́ сим дарова́вшего.

Нощь, я́ко день, и день, я́ко нощь, тебе́ вменя́шеся, Анто́ние:/ не дал бо еси́, по проро́ку, сна очима́ тво́йма, ни ве́ждома дрема́ния,/ ниже́ поко́я телеси́ тво́ему, до́ндеже си́е чи́сто с душе́ю Бо́гу предста́вил еси́.

Богоро́дичен: Твою́ пода́ждь ми по́мощь/ и изба́ви мя бед, и скорбе́й, и прегреше́ний мо́их,/ я́же всех ро́ждшая при́сное Избавле́ние.

Ин

Ирмо́с: В бе́здне грехо́вией валя́йся,/ неизсле́дную милосе́рдия Твоего́ призыва́ю бе́здну:/ от тли, Бо́же, мя возведи́.

Я́ко свобо́ждена́ бы́вши блаже́нная твоя́ душа́ от тя́жести плотски́я/ и от го́рькаго фара́она мучи́теля, ми́ра сегó изше́дши,/ в зе́млю обетова́ния ра́йскаго пре́йде немяте́жно,/ со святы́ми пребыва́ет, веселя́щися.

Ны́не свяще́нное те́ло твоё, преподо́бне, в пеще́ре лежа́щее,/ исцеле́ния мно́гая источа́ет ве́рою приходя́щим./ Тёмже мо́лим тя:/ и душе́вная здра́вия мо́льба́ми тво́ими пода́ждь тебе́ сла́влящим.

Светле́йши со́лнца возсия́ пречестна́я па́мять твоя́, Анто́ние,/ в ню́же соше́дшеся, прославля́ем твоё успе́ние и труды́,/ я́же претерпе́л еси́ в жи́зни сей,/ прося́ще от Христа́ тобо́ю при́яти грехо́в оставле́ние.

Богоро́дичен: Красоты́ мя ви́дети сла́вы Твоея́ сподо́би,/ егда́ от плóти моея́ хо́щю разлучи́тися,/ я́ко утвержде́ние моё еси́, Влады́чице:/ да отсю́ду прииму́ избавле́ние.

Конда́к, глас 8: Возложи́в себе́ Бо́гу, па́че всех возлю́бленному от ю́ности, преподо́бне,/ То́му от всея́ души́ любóвию послéдовал еси́,/ ми́ра же тле́нная ни во что́же вмени́в,/ в земли́ пеще́ру соде́лал еси́/ и, в ней до́бре проти́ву невидима́го врага́ ко́зней подви́зався,/ я́ко

светозáрное со́лнце, во вся концы́ земли возсия́л еси́,/ отону́дуже, веселя́ся, прешёл еси́ к Небёсным черто́гом./ И ны́не со А́нгелы Влады́чню престóлу предсто́я,/ помина́й нас, чту́щих пя́мь твою́, да зове́м ти:/ ра́дуйся, Анто́ние, о́тче наш.

Икос: Присносу́щнаго немерца́ющаго свёта Святы́я Тро́ицы насладíтся желáя/ и сего́ ра́ди четы́редесятилётное вре́мя в еди́ной пещёре тёмне тебе́ затвори́в,/ оттúду неисхо́ден, о́тче, пребы́л еси́,/ дóндеже тéло твоё чíсто с душо́ю Бо́гу предста́вил еси́./ Отону́дуже и по преставлénии, я́ко жив, от Го́спода дарова́ния чудес при́ял еси́,/ исцеля́ти разли́чныя болéзни зле стра́ждущих/ и бёсы от челове́к приходя́щих изгонíти./ Тёмже мо́лим тя:/ моли́ся, о́тче, сохра́нити без вре́да о́течество твоё, град же и лю́ди, да зове́м ти:/ ра́дуйся, Анто́ние, о́тче наш.

Песнь 7

Ирмо́с: Не послужи́ша тва́ри Богому́дрии/ па́че Созда́вшаго,/ но, о́гненное прещéние му́жески попра́вше,/ ра́довахуся, пою́ще:/ препéтый о́тцév Го́сподь и Бог, благословéн еси́.

Повелénием духо́внаго твоего́ настоя́теля, блаже́нне Анто́ние,/ па́ки ко о́течеству твоему́ посыла́емь бывáеши./ Тёмже рече́нная тебе́ о́тцém, я́ко от Бо́га повелénная, сотвори́л еси́,/ иде́же пришéд, о́тче, мно́гих ду́ши Го́споду привёл еси́.

Святе́йшаго ме́ста, преподо́бне Анто́ние, я́ко достíгл,/ мно́гих жити́ем твои́м удиви́л еси́:/ вы́ше бо челове́ка восприе́м жити́е,/ íмже мно́гих мирская́ презира́ти сотвори́л еси́.

Святíтеля Иларио́на пещёру я́ко обрёт,/ трудолю́бне в ней пожи́л еси́, преподо́бне, в моли́твах и пощéниях,/ дóндеже ину́ю пещёру себе́ соде́лал еси́,/ в нейже сподо́бился еси́ го́рняго зва́ния.

Богоро́дичен: Челове́ческия напа́сти и сове́ты, Чíстая,/ разори́ Божéственными моли́твами Твои́ми/ и рабы́ Твоя́ изба́ви болéзненных прегрешéний,/ я́ко да Присноде́ву Тя ублажа́ем.

Ин

Ирмо́с: Богопроти́вное велéние беззакóннующаго мучи́теля/ вы́со́к пла́мень вознесло́ естъ./ Христóс же простре́ богочестíвым отро́ком рóсу духо́вную,/ Сый благословéн и препросла́влен.

Великаго трудоположника и ревнителя/ твоему житию, преподобне Антоние, Феодосия блаженного, стяжал еси,/ ангельскому твоему житию последующа,/ с нимже в Вышних водворяясь, нас поминай.

Новаго тя Моисея, отче, познахом, страстей победителя:/ якоже бо он, древле Амалика победив, люди изведе,/ ты же, отче, множество монашествующих в землю обетования райскаго привел еси.

Града и отечества твоего пресельник, отче, был еси,/ но паки Божиим промыслением ко отечеству твоему славно свидетельствован возвращаешься,/ идеже благодать от Господа, отче, приял еси.

Богородичен: Пещь прообразоваше Твое рождество, Пренепорочная:/ отроки бо не опали, якоже ни ложесна Твоя Огонь нестерпимый./ Темже молим Тя: огня вечнаго избави рабы Твоя.

Песнь 8

Ирмос: *Отроки благочестивыя в пещи/ Рождество Богородичо спасло есть;/ тогда убо образуемое,/ ныне же действующее,/ вселенную всю воздвизает пети Тебе:/ Господа пойте, дела,/ и превозносите Его во вся веки.*

Владыки твоего Христа, преподобне Антоние, смирению поревновал еси/ и сего ради смиренное и жестокое житие возлюбил еси,/ земнаго пристрастия отрещаяся./ Темже почести святых сподобился еси/ и с ними поеши Господа во веки.

Твое преславное успение празднующим, блаженне,/ молися избавитися всем от различных напастей,/ да вси тебе прославляем, Антоние, и превозносим Господа во веки.

О нас милостивую око, Антоние, простирай ко Владыце, чадолюбное показуя,/ и неотлучно от нас духом пребывай, преподобне,/ якоже обещался еси, егда был еси с нами,/ да вси с тобою Христу воспоем:/ благословите, вся дела Господня, Господа.

Богородичен: На моление мое умиосердися ныне и радость ми в печали место даруй,/ да пою Тя, Владычице, Сыну Твоему воспевая:/ Господа пойте, дела, и превозносите Его во веки.

Ин

Ирмос: Пещь иногда огненная в Вавилоне дѣйства разделяше/ Божіим велѣніем халдѣи опалѣющая,/ вѣрныя же орошающая, поющія:/ благословите, вся дела Господня, Господа.

Исцелѣнія обильна, преподобне, вѣрою приходящим ко храму твоему/ и сущим в скорбех утѣшеніе подавай, да вси с тобою Христу вопіем:/ благословите, вся дела Господня, Господа.

Благодарное сіе пѣніе приносящая ти, отче, свѣше мѣлостивно назирай/ и моли Христа Избавителя спасти всех, вопиющих Ему:/ благословите, вся дела Господня, Господа.

Принесѣся дар Вседержителю – тобою множество спасаемых,/ твоему житію послѣдующих, Антоніе./ Тѣмже моли спастися всем, с тобою Христу вопиющим:/ благословите, вся дела Господня, Господа.

Богородичен: Великому таинству рождества Твоего кто не удивится, Богородице?/ Или кий языкъ зѣмен или ум безплотен изрещи возможет?/ Паче естества бо и смѣсла, Богородице, Зиждителя родила еси.

Пѣснь Богородицы: Величит душа моя Господа: *<см. основной Чин>*

Песнь 9

Ирмос: Всяк земнородный/ да възграется, Духом просвѣщаемь,/ да торжествует же Безплотных умов естество,/ почитающее священное торжество Богоматере,/ и да вопіет:/ радуйся, Всеблаженная Богородице,/ Чистая Приснодѣво.

Антонія, древле просиявшаго,/ того житію всячески поревновати потщался еси:/ он бо в пустыню един вселися,/ ты же в пещере единого себе затворил еси/ и многими лѣты, отче, неисходен пребыл еси.

Печерскому житію первоначальник и наставник, отче, был еси/ и тамо подвижался еси, яко безплотен./ Тѣмже и Христос дарованіем чудес обогати тя, преподобне.

Моєю руку воздеяніе приими, преподобне,/ Владычней подобяся благасти, презирая прегрѣшенія:/ ты бо душу уязвил еси Христовою любовію и Его Пречистыя Богоматере,/ Юже умоли спасти души наша.

Богорóдичен: Рукóю твоёю, преподóбне Антóние,/ ёже к Бóгу возде́янием, преслáвно чудодéйствовася:/ моли́твами бо тво́ими огонь с Небесé свóдиши, во очищéние мéста хра́ма Пречи́стыя,/ Ю́же вси с тобо́ю велича́ем.

Ин

Ирмо́с: Безнача́льна Родíтеля Сын, Бог и Госпóдь,/ вопло́щся от Дéвы, нам яв́ися,/ омрачénная просветíти, собра́ти расточénная./ Тем Всепéтую Богорóдицу велича́ем.

Пахо́мия Вели́каго, а́нгельскаго видéния сподóблшагося, жити́ю, óтче, подража́в,/ равноа́нгельно в пещéре пожи́л еси́./ Тёмже и равноа́нгельную по́честь сподóбился еси́ при́яти, Антóние.

Иже от Святы́я Горы́ путём веду́щим, óтче, мéста Кíевского достíгл еси́,/ иде́же бяше у́годно Влады́чицы Ма́тере Бóжия хра́му воздв́игнутися,/ и та́мо храм пречéстен в сла́ву Богома́тере, кúпно со блаже́нным Феодо́сием, воздв́игл еси́./ Тёмже тя вси с ним велича́ем.

Богорóдичен: Светородíтельнице Дéво, души́ моея́ óблак отжени́/ и дава́й чíсто зрéти, Влады́чице, спасíтельную добрóту,/ возсия́вшую неизглаго́ланно из Твоея́ пречи́стыя утробы́,/ во свет язы́ков, Препéтая.

<далее см. основной Чин>

Изменяемое №9

Светíлен:

Жите́йское сладостра́стие умертв́ил еси́, Антóние,/ сла́ву же маловре́менную позна́в, сея́ вскóре отступíл еси́,/ тéсным путём изво́лив ходíти,/ веду́щим к ра́йскому простра́нству./ Тёмже моли́ся, Антóние, спаст́ися тебé почита́ющим.

Сла́ва, и ны́не, Богорóдичен: Богорóдицу Тя во́истинну испове́дающе, Влады́чице, и́же Тобо́ю спаса́емии:/ Ты бо Бóга родила́ еси́,/ разóршаго Кресто́м смерть и к Себе́ привлéкша преподóбных собо́ры,/ с ними́же Тя восхваля́ем, Дéво.

<далее см. основной Чин>

Изменяемое №10

На стихóвне стихи́ры глас 1:

Стопа́м вели́каго Антóния послéдовал еси́, преподóбне,/ он бо в пусты́ню безмо́лвия ра́ди всели́ся/ и А́нгелом собесéдник бы́ти

сподобися,/ ты же в подземная места пещеры затворился еси,/ Свет неизреченный сподобился еси зрети./ Темже онаго житию поревновав,/ именованье от действия прием,/ с нимже Троице Святей предстои,/ моли спастися душам нашим.

Стих: Честна пред Господом/ смерть преподобных Его.

Яко пресветлый светильник,/ в темне месте просиял еси,/ и, яко финикс в дому Божии, пророчески процвел еси/ и плод пресвят – сам себе Владыце,/ живу жертву без крове, принесл еси, отче./ Темже ты вси, любовь сошедшеся,/ по достоянию присно ублажаем.

Стих: Блажен муж, бояйся Господа,/ в заповедех Его восхощет зело.

Пещера, в нейже лежит священное тело твоё,/ преподобне Антоние,/ Духа Пресвятаго силою/ недуги различные исцеляет верою приходящих,/ беси от человек отгоними бывають,/ и разслаблении, здравие приемлюще, отходят./ Мы же, похваляюще Господа, глаголем:/ честна пред Господом смерть святых Его.

Слава, глас 6: Дивно прошение, и вера превелика,/ юже стяжал еси, преподобне Антоние,/ пророку бо Илии подобяся./ Он бо огонь с небес сведе/ в поядение жертвы,/ такожде и ты молитвою огонь с небес сводиши/ в поядение и очищение места,/ идеже преславный храм Владычицы и Богородицы хотяше воздвигнутися./ Темже ты, яко сожителя преподобным/ и пророком ревнителя,/ ублажаяще, молим:/ молися Христу спастися душам нашим.

И ныне, Богородичен: Творец и Избавитель мой, Пречистая,/ Христос Господь, из Твоих ложесн прошед,/ в мя оболкийся, первая клятвы Адама свободи./ Темже Ти, Всечистая,/ яко Божии Матери же и Деве,/ воистинну вопием немолчно:/ радуйся, Ангельски, радуйся, Владычице,/ предстательство и покрове,/ и спасение душ наших.

<далее см. основной Чин>

Утром 23 июля

Изменяемое №11

По 1-м стихословии седальны *глас 4:*

Пресветлый и светносный, Богомудре Антоние, твой приспе праздник,/ созывающий монахов множества прославити и пети твоё

честное успение,/ просяще от Христа ходатайством твоим прияти велию милость.

Слава, и ныне, Богородичен: <далее см. основной Чин>

Изменяемое №12

По 2-м стихословии седальны глас 4:

Собеседник и сослужитель отцем Святыя Горы, отче, был еси,/ и тех стопам последовав, яко безплотен, на земли пожил еси./ Темже преподобным явился еси единоклассник,/ с нимиже и в Вышних ликовствуя, моли спастися душам нашим,/ тебе непрестанно славящим.

Слава, и ныне, Богородичен: <далее см. основной Чин>

Изменяемое №13

Тропарь глас 4:

От мирскаго мятѣжа изшед,/ отвержением же мира евангельски Христу последовал еси/ и, равноангельное житие прожив,/ в тихое пристанище Святыя Горы Афона достигл еси,/ отонудуже благословением отцев в гору Києва пришед/ и тамо трудолюбно жизнь совершив,/ отечество твое просветил еси/ и, множеству монашествующих стезю, ведущую к Небесному Царствию, показав,/ Христу сия привел еси,/ Егже моли, Антоние преподобне,/ да спасет души наша.

<далее см. основной Чин>

Изменяемое №14

На хвалитех стихирь:

Стих: Сотворити в них суд написан./ Слава сия будет всем преподобным Егб.

Стих: Хвалите Бога во святых Егб,/ хвалите Егб во утверждении силы Егб.

Стих: Хвалите Егб на силах Егб,/ хвалите Егб по множеству величества Егб.

Глас 2. Желая видети неизреченную радость святых/ и веселия праведных, Богу угодивших,/ всякое веселие, яже в мире, возненавидел еси,/ но в постех и слезах проводив дни твои,/ дондеже и страсти телесныя умертвил еси./ Темже и сподобился еси праведных радования,/ с нимиже молися спастися душам нашим.

Стих: Хвалите Егб во гласе трубнем,/ хвалите Егб во псалтири и гуслех.

Желая видети неизреченную радость святых/ и веселия праведных, Богу угодивших,/ всякое веселие, яже в мире,

возненавидел еси,/ но в постѣх и слезѣх проводив дни твоѣ,/ дондеже и страсти телесныя умертвил еси./ Тѣмже и сподобился еси праведных радования,/ с нимиже молися спастися душам нашим.

Стѹх: Хвалите Егѡ в тимпанѣ и лице,/ хвалите Егѡ во струнах и органѣ.

Днесъ похвальную песнь в пѣмѣни твоѣй, Антоніе,/ тебѣ приносящих прими,/ и предвари к Бѡгу молитвами твоими,/ и избави нас от шѹяго стоянія,/ и избранных части сочетати моли,/ да тебѣ вси, яко тѣплаго предстателя,/ достойно ублажаем.

Стѹх: Хвалите Егѡ в кимвалѣх доброгласных, хвалите Егѡ в кимвалѣх восклицанія./ Всякое дыханіе да хвалит Господа.

В тѣмном мѣсте, яко звезда, возсиял еси, преподобне,/ и мрачная лица бесѡв посрамил еси, премудре./ Отнюдуже возшед к Небесѣм,/ со дерзновѣніем престѡлу Христову предстоя,/ поминай празднующих пѣмѣни твоѣй, преподобне,/ милость обрести нам в День судный.

Слѡва, глас 8: Отѣчество твоѣ, преподобне отче Антоніе, оставив/ и вѡльное странство Господа ради приѣм,/ труды дѡлгого путі шѣствия,/ жажду и глад, студень же и зной/ Христа ради претерпѣл еси./ Тѣмже и слышиши:/ благій рабе и вѣрный,/ вниди в радость Господа твоегѡ./ Сего же гласа и нам услышати, отче, молися,/ да всегда твоѣ пѣмѣни любовію ублажаем.

И ныне, Богородичен: <см. основной Чин>

Изменяемое №15

Кондак глас 8:

Возложив себѣ Бѡгу, паче всех возлюбленному от юности, преподобне,/ Тому от всея души любовію последовал еси;/ міра же тлѣнная нивѡчтоже вменив, в землі пещѣру содѣлал еси,/ и в ней дѡбре противу невидимаго врага кѡзней подвижався,/ яко светозѣрное сѡлнце во вся концы землі возсиял еси,/ отондуже веселяся прешѣл еси к Небесным Чертогом./ И ныне со Ангелы Владычню Престѡлу предстоя,/ поминай нас, чтущих пѣмѣни твоѣй, да зовѣм ти:/ радуйся, Антоніе, отче наш.

Ин кондак, глас 8:

В міре яко Ангел, óтче, пожíл есѣ,/ в землѣ пещѣру себѣ содѣлав,/ в нѣйже дóбре подвизáвся протіву неvíдимаго врагá кóзней,/ и оттúду, веселяся, прешѣл есѣ к Небѣсным чертóгом./ Поминай нас, чтúщих пáмять твою, да зовѣм ти:/ рáдуйся, Антóние, óтче нáш.

<далее см. основной Чин>

На Литургии

Изменяемое №20

Прокíмен, глас 7: Честнá пред Гóсподем/ смерть преподóбных Егó.

Стих: Что воздáм Госпóдеви о всех, яже воздаде́ ми?

Изменяемое №21

Аллилуиа, глас 6: Блажен муж, бояйся Господа, в заповедех Его восхощет зело. *Стих:* Сильно на земли будет семя его.